



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiæ

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Filiæ Regum Sanctimoniales, & Sanctæ, certæ professionis. c. XXVIII.

urn:nbn:de:hbz:466:1-38397

Filia Regum Sanctimoniales, & Sanctæ certæ profes-
sionis. Cap. XXVIII.

S.Chendechildis, Clodovei Franciæ Regis filia.



CHENDCHILDIS, siue Sichildis, uel Telechildis, Clodoæ Magni Frâcorum in Gallia Regis filia, virgo perpetua uirginitate insignis, in ipso exordientis Benedictinæ familiæ, per S. Maurum in Gallia propagatæ, principio, in cœnobio SS. Petri, & Pauli Senonis, cuius ipsa fundatrix, monachicæ professæ, ob uitæ integritatem, ac pietatis constantiam, apud thesaurum apud posteros piorum omnium consensu promeruit. Floruit anno Domini 550. cuius festiuitatem die 10. mensis Octobris celebrari existimo. *Claudius Paradisus in Genealogicis Franciæ. Belforesius annal. Franciæ, lib. 1. c. 12. Cœnalis dere Gallica, lib. 1. perioche 12. & alij.*

S.Childechinda, Chilperici Franciæ Regis filia.

CHILDECHINDA, aliis Childerada, Chilperici I. Francorum in Gallia Regis, ex Andouera uxore prima, filia, una cum matre apud monasterium Cœnomanense relegata, ut uoti & religionis, ita & martyrij coronæ particeps effecta, cœlos cum sanguinis sui effusione promeruit anno Domini 583. *Belforesius annal. Franc. lib. 1. c. 23.*

S. Aldegundis, Basini Regis filia.

ALDEGVNDIS uirgo, Basini Regis & martyris filia, apud Trûctium, non longe a Gandauo Deo sacrata, ibidem in ecclesia S. Martini nunc Ordinis Præmonstratensis, cū patre quiescit. Obiit die 20. Ianuij, floruit quæ anno salutis 574. *Molanus in indiculo SS. Belgii.*

S. Editha, Redualdi Anglorum Orientalium Regis filia.

EDITHA, siue Eaditha, Redualdi, uel Fritheualdi, seu Freunaldi, Anglorum Orientalium in Anglia Regis filia, cum oppidulum Ailshurij in dotem sibi dari a patre impetrasset, mundo, marito quæ iam desponsata erat, ualedicens, suscepto uelo, sanctitatis opinionem, in illo feracissimo sanctorum seculo, ad miracula usque clauit, & in cœnobio, SS. Petri & Pauli Abbatissa præfecta, quieuit in pace die 18. Iulij. Vixit anno Domini circiter 600. *Chorographia Britannicæ fol. 302. & 419. & Vita S. Osithæ uirg. & mart. sororis eius, apud Sarum Tomo, 5. die 7. Octobris.*

S. Eadburga, Redualdi Anglorum Orientalium Regis filia.

S. EADBURGA, præfate *S. Edithæ* soror, ex cuius nomine inter ceteros uiculus est in Anglia, qui *Edburton* adhuc appellatur, sanctitatis, & religionis sororis sue imitatrix, in eodẽ SS. Apostolorum monasterio Sanctimonialis effecta, a morte inter sanctas relata est. *Chorographia loco citato.*

S. Ositha, Redualdi Anglorum Orientalium Regis filia.

S. OSITHA, prædictarum etiam soror, sub cura *S. Moduene* Abbatisse, in *Silua Ardera*, primum enutrita, deinde *Sigerio* Saxonum Orientalium in Anglia Regi desponsata, sed non nupta: tandem *S. Edithæ* Abbatisse SS. Petri & Pauli, sororis sue regimini subdens, consecrationem accepit ab *Acce* & *Beduino* Episcopis, quo in loco cum tota Deo defixa esset, a Danis piratis confusa capite truncata, illud per stadia ferè tria usque ad Ecclesiam Sanctorum Petri, & Pauli miraculosè portauit, & sic per martyrii palmam Deo animam reddidit, anno Domini 653. ipsis Nonis Octobris. *Albericus Uerus in eius vita que extat apud Surium Tomo 3. fol. 7. Octobris 7. Britannie chorog. fol. 350.*

S. Sira, Eugenii Scotie Regis filia.

S. SIRA, *Eugenii* III. Scotie Regis filia, *Fiacrii* fratris sui exemplo terrena omnia aspernata, sub disciplina *S. Phatæ* Abbatisse, in Gallia, uitam Sanctissimam ducens, obdormiuit. Monasterium ingressa est, anno Domini 620. *Ioannes Lesleus in hist. Scotie, lib. 4.*

S. Ebba, Ethelfridi Northumbrie Regis filia.

S. EBBA, *Ethelfridi* Northumbrie Regis filia, patre occiso, monasticæ regulæ in cœnobio *Coldingensi*, quod est in finibus *Scotie*, colla submittens, in eo ita se gessit, ut tandem in Abbatisam egressa, & ob sanctitatis suæ opinionem, anno circiter 630. a Romana Ecclesia inter sanctos referri, pluraq; illa in Insula templa sibi dicari meruerit. Hæc ne in Danorum infidelium libidinem incurreret, nalam superius labrum sibi cultro præscindit; quod eius exemplum reliquæ Moniales pro casta Religione tuenda fortiter sequuntur: tandem omnes monasterio inclusas ignis ab hoste iniectus, tanquam immaculatas hostias absumit. *Beda ecc. hist. Angl. lib. 4. c. 19. Chorographia Britan. fol. 609. Matthæus Vuestm. ad annum 870. Polydorus hist. angl. lib. 4. Ecclesiæ Anglicanæ trophæum, imagine 17. & ali.*

S. Hilda, Eduini Northumbrie Regis Proneptis.

S. HILDA, *Horesuicha*, siue *Herenica*, *Hererici* Northumbrie Principis filia, & *Eduini* Northumbrie in Anglia Regis proneptis

nam monasticam primum in cenobio Gallie Kale amplexa; inde
 o uita meritum, & sapientie doctrinam, euocata, monasteria He-
 orthu, & Streaneshalch; regenda suscepit, & post mortem Sancto-
 rum felicitati est coniuncta. Accidit autem illa anno Domini 630.
 etatis sue 62. die 15. Calendas Decembris. Scripsit inter alia, Medi-
 tationes pias, lib. 1. Beda in hist. angl. lib. 4. c. 23. Tritemius de vir. ill.
 14. S. Ben. lib. 3. c. 123. Matthæus Vuestm. ad annum 680. & alij.

S. Eansuuda, Eadbaldi Cantie Regis filia.

S. EANSVIDA, Eadbaldi, Cantie in Anglia Regis filia, cum mo-
 nasterium Christi virginibus in Folestone crexisset, illud idem in-
 gressus, ieiuniis & orationibus uacans, migravit ad Dominum die
 3. mensis Augusti. Floruit anno Domini 640. *Britannia chorogra-*
phia folio 264.

S. Edelburga, Annae Anglorum Orientalium Regis filia.

S. EDELBURGA, siue Iterelburga, Annae, Anglorum Orientalium
 in Anglia Regis filia; Northa, diuino amore succensa, monasterium
 Brigense, uulgo S. Phare nuncupatum, in Gallia petijt, ubi tandem
 in Abbatissam electa est, & post mortem Sanctorum catalogo ad-
 scripta. Vixit anno Domini 660. obiitque die 7. Iulij, eius nomini sa-
 cro. Beda, lib. 3. c. 8. Tritemius de vir. ill. ord. S. Ben. lib. 3. c. 73. Vincen-
 tium in speculo, lib. 25. c. 32.

S. Eracongotha, Earcomberti Cantie Regis filia.

S. ERACONGOTA, siue Earrughata, Earcomberti, Cantie in Anglia
 Regis filia, magisterio Materteræ suæ Edelburgæ, in monasterio
 Brigenfi, commendata, ita uirtutibus profecit, ut digna fuerit post
 eius mortem sacris Virginibus præfici, & postmodum Diuorum
 ceteri coniungi. Floruit anno Christi 670. eiusque festiuitas ab ec-
 clesia recolitur ipsis Nonis Iulij. Beda lib. 3. c. 8. Tritemius, de vir. ill.
 14. S. Ben. lib. 3. c. 66. Matthæus Vuestm. ad annum 640.

ANNOTATIO.

Hic pro suo more egregie impingit Bugianus noster, qui affinitate vo-
 cabulorum Brige, & Brugis, deceptus, putauit monasterium Brigense, sic
 dictum, quod in ciuitate Flandrie Brigenfi esset fundatum: quæ eius opi-
 nis quam absurda sit quis non uidet? Monasterium enim Brigense, siue
 Brige, quod a nomine S. Phare primæ Abbatissæ, alias S. Phare mona-
 sterium vocatur, situm est in Gallia uiginti fere miliaribus a Lutetia Pa-
 risiorum, in Pago Meldensis ciuitatis (quæ Gallice Meaux vocatur).
 vocabulo Brige, unde & nomen accepit, qui quondam Enoriacas appella-
 batur, distatque à Brugis Flandrie ciuitate, non minus itinere octo die-

HHh 3 rum.

rum. Huius rei testes sunt S. Beda venerabilis in hist. angl. lib. 3. c. 1. & sequens inquit loquens de Rege Eadbardo, Cuius filia (inquit) Eartonghwa, ut condigna parenti soboles, magnarum fuit uirgo uirtutum, inuenerit semper seruans Deo in monasterio, quod in regione Francorum constructum est ab Abbatisa nobilissima, uocabulo Fara, in loco qui dicitur Brige. Nam eo tempore necdum multis in regione Anglorum monasterijs constructis, multi de Britannia monasteria conuersationis gratia, Francorum, uel Galliarum monasteria adire solebant, & filias suas eisdem erudiendas, ac sponso celesti commendandas mittebant. Maxime in Brige, & in Cale, & in Andilegem monasterio. Et Matthæus Vuestm. ad annum 640. his uerbis. Vnde Regis Eadbaldi Sexburga, Annæ filia, ex qua Egbertus, & Ercongota, quæ fuit monialis Brige in Gallia: & infra: Ercongota uero memorata, in Brigeni monasterio Francorum, habitum religionis suscipiens, ac Deo ibidem seruans, magnarum fuit uirgo uirtutum. Et Tritemius noster, ut alios multos omittam, de vir. ill. ord. S. Ben. lib. 3. c. 65. Fara Abbatisa monasterii Hibrigenis (pro Brigenis), quod alio nomine Enoriacas dicitur, in regione Francorum, &c. Corrigendus ergo Bugianus; nec minus fidei dandum Luchino, & Anoriga, qui Bugianum imitati, eundem errorem posteris tradiderunt; ille in dialogo suis MSS. de rebus ecclesiasticis: iste in libris suis de Principibus Virginitatis & fæminis, qui fuerunt Religiosi.

S. Elfleda, Osuii Northumbriæ Regis filia.

S. ELFLEDA, siue Edelileda, Osuii Northumbriæ in Anglia Regis filia, cum esset ætatis anni unius, a patre in cenobio Heortheu (quod insulam Cerui significat) Deo oblata, sub S. Hildæ regimine in omni pietate & religione educata est. Et inde electione sacrarum uirginum ad monasterium SS. Petri & Pauli ad locum Streaneshalch translata, post laudabilem administrationis suæ cursum, annum ætatis agens sexagesimum, carne soluta, in eodem suo cenobio sepulta est, anno Domini circiter 670. Beda, in hist. angl. lib. 3. c. 24. & lib. 4. cap. 26.

S. Ethelfreda, Osuii Northumbriæ Regis filia.

S. ETHELFREDA, præfata Elfledæ soror, sub Sanctissima Congregata Abbatisa, in monasterio à patre suo Osuio in pago Wuitby fundato, uitam monasticam professæ, eandem immaculatam ad senectutem usque seruauit. Vixit anno 670. uel circiter. Polydorus Virgilius in hist. angl. lib. 4.

S. Ead-

S. Eadburga, Pendæ Merciorum Regis filia.

S. EADBURGA, Pendæ Merciorum in Anglia Regis filia, anno circiter Domini 680. paulo ante uel post, in monasterio Sabrinæ fluuii contiguo, quod Rex Oftricus Northumbrorum uirginibus sacris posuerat, uirginitate sua Deo dicata, sorori suæ *S. Kineburgæ* in Abbacie regimine successit. *Brit annie Chorog. fol. 276.*

S. Eua, Pendæ Merciorum Regis filia.

S. EVA, quæ ab aliis *Vueda* uocatur, *S. Eadburgæ* soror, in eodem Sabrinæ monasterio, post sororē Abbatissa præfuit. Res mira, ut tres sorores inuicem sibi succedentes, hæreditario quasi iure, una alteri sanctitatem reliquerint. *Britannia Chorographia, fol. 276.*

S. Kinesdrida, Pendæ Merciorum Regis filia.

S. KINESDRIDA, siue *Chinesdrida*, Pendæ Pagani Merciorum Regis filia, & præfatarum soror, nobilissimè aliquando cum patre, & fratre *Ethelredo* Rege conuersa, multo nobilius regni perituri sceptrum reliquit. Nam quoddam monasterium regni patris sui (quod ego auguror fuisse uel Sabrinæ, uel Dormundcasterensis, in quibus sorores eius Abbatissæ præerant) deuota petens, sanctimoniale ibidem induit; ubi in precibus, ieiunijs, elemosynis, aliisque religionis operibus, usque ad diem suæ uocationis permansit. Vixit cum sororibus anno Domini 690. *Mattheus Vuestm. ad annum 705.*

S. Vereburga, Vuilserii Merciorum Regis filia.

S. VEREBURGA, uel *Vuereburga*, *Vuilserii* Merciorum in Anglia Regis filia, patre defuncto seculo renunciauit, & ab *Ermanilda* matre ad cœnobium *Elyense* ducta, sub cura *S. Etheldredæ*, materteræ matris suæ, regulariter uixit. Cuius sanctitatem cum compeuisset *Aetheldredus* patruus eius, qui post patrem regnauit, quibuscum monasterijs Deo deuotarum uirginum Abbatissæ iure præfecit. Cum quibus regulariter uiuens, usque ad finem uitæ Christo Regi militauit, ac in vno tandem monasteriorum suorum quod *Tringeham* appellatur, a seculo migravit, anno 676. die 8. Iulij. Cuius corpus Leone ad monasterium *Mihealbrig* uocabulo, ut ipsa uiuens præceperat delatum, & honorificè tumulatum est. *Polydorus hist. angl. lib. 4. Mattheus Vuest. ad annum 676. Vincentius in speculo, lib. 2. c. 33. & alij.*

S. Milburga, Mernaldi Merciorum Regis filia.

S. MILBURGA, *Mernaldi*, Merciorum Orientalium in Anglia Regis filia, uita in cœnobio *Feneloch* in Anglia sanctissime tradita, sapientibus Christi uirginibus connumerari meruit. Cuius se-

pulchrum eum casu inuentum fuisset, odorem suauissimum emitti, & omnibus videntibus corpus eius incorruptum iacere demonstrauit.

S. Miltrida, Merualdi Merciorum Regis filia.

S. MILTRIDA, siue Mildrata, *S. Milburgæ* soror, eiusdem uitæ monastica propositum tenuit in monasterio Insulæ Thanato, non longe à Cantuaria; eiusque corporis reliquiæ Cantia, in cœnobio Augustini, digno honore olim recondebantur. Obiit die 13. Iulij. Floruitque cum sorore, anno Domini 680. *De ambabus agunt, Continuator Bedæ, lib. 2. c. 33. F. Stephanus Lufignanus coron. 2. 4. c. 9. Mathæus Vuestm. ad an. 677. Vincentius in speculo, lib. 2. 5. c. 33. Polydorus bist. angl. lib. 4. & alij.*

S. Irmina, Dagoberti Franciæ Regis filia.

S. IRMINA, Dagoberti I. Francorum in Gallia Regis, ex Nantida sanctimoniali, uxore, filia, sponso suo Hermanno viro potentissimo, cui iam a patre desponsata fuerat, ante nuptiarum diem mortalitate consumpto, Christo omnium Seruatori nupsit. Aedificauit namque permagnifico cœnobio in Horreo Dagoberti Regis patris sui, in urbe Treuerica, in honorem sanctissimæ matris Dei Mariæ eodem se conclusit, multis virginibus sacris adunatis, quibus vitæ meritum Abbatissa præfecta, ita se Christi dignam sponsum reddidit, ut cœlestis patriæ fieri mereretur electa. Migravit a seculo, anno Domini 710. in ipsa uigilia sacratissimi Natalis Christi sponsum sui. *Tritemius de vir. ill. ord. S. Ben. lib. 3. c. 13. Belforestius genal. Franc. lib. 1. c. 34.*

S. Athela, Dagoberti Franciæ Regis filia.

S. ATHELA, siue Adela, eiusdem Irminæ, ex ipsdem patre, & matre soror, cuius exemplo sponsum Christum eligens, omnem pompam terreni principatus pro eius amore contempsit, & postmodum in eo cœnobio, quod *S. Rodoaldus* Treuironum Episcopus in Palatiolo construxit, prima Abbatissa constituta, & sororis suæ imitatrix in terris extitit, & in cœlis perennitatis socia. *Tritemius eodem, lib. 3. c. 138. & Belforestius loco citato.*

S. Landrada, Caroli Martelli filia.

S. LANDRADA, Caroli Martelli Aulæ præfecti Regis Franciæ filia, & Pipini Regis Franciæ soror, virgo nobilissima, ab ineunte ætate Christianam pietatem sequuta, etiam ecclesiam & monasterium in honorem *S. Mariæ Virginis Belisæ*, quod est oppidum Leodiense, construxit; ubi dum sanctarum uirginum præfecta esset, collo-

gio, Sanctam Amalbergam Virginem doctrina, & pietate, & Christianorum morum præceptis imbuere Reddidit autem cælesti sponso puram animam, octavo Idus Iulii. Cuius sacrum corpus primo in Vinterhouem sepultum, deinde post aliquot annos Nonis Martii eleuatum; postremo, anno 980. in monasterio s. Bauonis cum aliis SS. reliquiis reconditum est. Floruit anno 700. & quod excurrit. *Molanus in indiculo SS. Belgij. Theodoricus Abbas in eius vita apud Surium Tomo 4. Meyerus annal. Flandriæ, lib. 2. ad annum 980.*

S. Vualburga, Richardi Sueuiæ Regis filia.

S. VVALBURGA, siue Vualburgis, S. Richardi Sueuiæ in Germania Regis, ex Bona uxore, sorore S. Bonifacii Episcopi filia, & Sanctorum Vuilibaldi, & Vuinibaldi, soror, a patre peregrinationem meditante, regno præfecta, illud pro amore Christi respuit; & ut libetius Deo uacare posset ab Auunculo suo S. Bonifacio, ad quem confugerat, Sanctimonialis consecrata, & sacris virginibus monasterio Heidenheimensis, non longe ab Aicstadio, Abbatissâ præfecta, uiræ Sanctimonia, & miraculorum gloria insignis enituit, circa annu Domini 740. Obiit die quinto Calendas Maii, sed festiuitas eius ipsius Calendis plenius recolitur, quando sacrum eius corpus Aicstadium translatum est. In sanctorum album adscripta est per Odogerm Episcopum Aicstadensem, consensu Adriani II. Papæ, an. 870. *Trithemius de vir. ill. ord. S. Ben. lib. 3. c. 2. 50. & Cratopolius de Episc. Germania.*

S. Tetta, Angliæ Regis filia.

S. TETTA, soror cuiusdam Regis in Angliâ (quem Cuthredum Saxonum Occidentalium Regem fuisse arbitror) & per consequens quoq; Regis filia, in celebri illo Vinbrunno monasterio, quod erat in provincia Occidentalium Saxonum in Angliâ, interpretaburg; cœnobium viui fontis, monasticen professâ, postmodum ob uitæ sanctitatem secunda eius loci, post s. Cuthburgam monasterii fundatricem, Abbatissâ electa, quingentis sanctimonialibus in omni bonitate præfuit: quas omnes ita in Dei timore instituit, & seruitio mancipauit Diuino, ut beatum illud cœnobium reputaretur, quod aliquam ex eis mereretur habere prælatam. Vnde & S. Lioba tantæ magistræ digna discipula, à s. Bonifacio Archiepiscopo Moguntino litteris ad s. Tetram datis accersita, ut monasterijs Germaniæ præficeretur. Floruit s. Tetta anno salutis 740. & quod excurrit. *Rudolphus monachus in vita Sanctæ Liobæ apud Surium Tomo 5. die 28. Septembris.*

S. Rnt-

S. Rattruda, Rachisii Longobardorum Regis filia.

S. RATTRUDA, quæ à nonnullis Petruda uocatur, eiusdem Rachisii Longobardorum in Italia Regis filia, opibus pollens, re te florens, fortuna præstans, postquam intellexit parentem rebus omnibus perituris relictis, iam Monachum factum, neque cuiquam nubere uoluit, neque Papiæ manere, quamuis sua patria esset, neque diuitias possidere, tamen honestissime posset. Sed patrem à matrem ad montem Casinum sequuta, quicquid secum attulerat facultatum, partim egenis erogauit, partim Ecclesijs. Permittente namque S. Petronace Abbate Casinensi, monasterium virginum Plumbariolæ, non longe a Casino, una cum matre, propriis sumptibus extruxit, ubi sub regulari disciplina degens, in sancto proposito uitam finiit. Monasterium ingressa est anno Domini 750. *SS. Ostiensis in chronico Casinensi, lib. 1. capit. 8. & alij recentiores ab ipso mutuati.*

SS. Eufrasia, & Febronia, Aistulphi Longobardorum Regis filia.

S. EVFRASIA, & Febronia, Aistulphi Longobardorum in Italia Regis, filia, illæ, quarum gratia ab Aistulpho patre Papiæ monasterium virginum Omnium Sanctorum (quod nunc S. Marini nomen refert, habitaturque à fratribus Ordinis s. Hieronymi) constructum est, & multis Sanctorum corporibus ditatum; vno ardore commotæ, forti animo pro amore regni cœlestis, terrenum despicientes, inspectante patre, & populo admirante, regalia ornamenta abiecerunt, & religionis induerunt habitum, malentes abiectione uiuere in monasterio, quam sublimari in mundo. Mente itaque & corpore Deo in cœnobio religiosè consecratis, sanctæ virgines in omni pietate, & timore Dei cursum uitæ consummarunt, & regnum æternum, pro temporali quod reliquerant, accipere meruerunt. Floruerunt anno Domini 756. & quod excurrit, quarum sacræ reliquie iacent in præfato monasterio in muro cum una inscriptione. *F. Philippus Bergomensis in supplem. chron. lib. 10. Iacobus Guala in sanctuario Papiæ lib. 5. cap. 1. & 8. Stephanus Breuentanus de antiq. Papiæ, lib. 4. capit. 24.*

S. Idaberga, Pipini Franciæ Regis filia.

S. IDABERGA, siue Itisberga, Pipini Breuiss Franciæ Regis filia, cum multis annis Aræ in Artesia religiosè uixisset, cum multa miraculorum attestazione migravit a seculo die 21. Maij, quando eius festiuitas recolitur. Floruit anno Domini 780. *Molanus in mss. SS. Belgii.*

S. Alfredda, Offæ Merciorum Regis filia.

S. ALFREDA, Offæ Merciorum in Anglia Regis filia, pacta Ethelberto Anglorum Orientalium Regi, cum sponsum matris instinctu à patre Offa extinctum cognouisset, parentes detestata, ac diuino instinctu concitata, prædixit fore, ut mater se eleris tanti pœnas daret meritas, quod haud longe post contigit: Ipsa uero uirginitate Deo dicata, in cœnobium Diui Guthlaci, in Crolandia, inter Elyn insulam & Nynam flumen, se recepit, anno Domini 793. in quo ad finem usque sanctissimam uitam inter Sanctimoniales Sanctimonialis agens, in pace tandem obdormiuit. *Polydorus hist. angl. lib. 4. F. Stephanus Lusign. corona 4. c. 9. & alii.*

S. Algina, Alfredi Angliæ Regis filia.

S. ALGINA, siue Aethelgina, quæ ab aliis & Ethelgera, Elgina, Alguna, & Aethelgeofu uocatur, Alfredi, siue Aluredi, Saxonum Occidentalium, id est, Anglorum, in Anglia Regis, filia tertio genita, in cœnobio quod pater ipsius, in pago Schafteshuriæ, diœcesis Sarisburiensis, construxerat, monasticæ uitæ regulis anno 893. deuota, Deo uirginitate subiuncta, & consecrata, diuinum subiit seruitium: ubi & postmodum Abbatissa præfecta, in monastica obseruantia perseuerans, migravit in cœlum. *Mattheus Vuestm. ad annos 871. & 888. Genealogia Alfredi Regis, ad annum 870. Polydorus in hist. angl. lib. 5. & alij.*

S. Verona, Ludouici Germaniæ Regis filia.

S. VERONA, Ludouici, Germaniæ, Boiorum, & Austrasiæ Regis filia, cum permittente patre apud Rhenum monasterium, ex suo nomine Veronhoute nuncupatum, construxisset, illud ipsum ingressa, & Sanctimonialis consecrata, ita piè & sanctè conuersationem suam instituit, ut post mortem Diuorum catalogo adscripta, meruerit etiam a mundo honorari die 29. Augusti, quo ex hac uita migravit, anno, ut colligo, 908. Moguntia. Vnde postmodum translata est ad monasterium S. Crucis, inter Louanium, & Furam, ubi nunc digno quiescit honore. *Molanus in indic. SS. Belgii de monachatu & Sanctimonia; & F. Petrus Cratepolius de Episcopis Germaniæ de iisdem, adiuncta & generis regalis nobilitate.*

S. Aelfleda, Alfredi Angliæ Regis filia.

S. AELELEDA, siue Aedelfleda, præfatæ S. Alginæ soror, Aethelredo Merciorum Principi primum nupta; deinde eo defuncto, cū summum dignitatis locum adhuc inter principes fœminas retinere posset, monasterium Glastoniæ, quod est ad Occidentalem plagam,

gam ingressa, uitam monasticam duxit, adeo immaculatam, & sanctam, ut Rex Athelstanus eius nepos eam sæpius inuiderit, ut delictibus eius alloquiis frueretur, in cuius etiam presentia deficiente uino in conuiuio pulchrum etiam miraculum perpetravit, quod narrat *Matthæus Vuest.* ad annum 929. ubi de eius agit monachatu. Floruit anno Domini 930. & quod excurrit.

S. Eadburga, Eduardi Angliæ Regis filia.

S. EADBURGA, siue Edburga, Eduardi I. Angliæ Regis ex Elijs uxore tertia, filia, à parentibus in monasterio Vintonienſi Deo oblata, sponſo Christo quem elegerat, in humilitate & paupertate placere studuit: & tandem optimis moribus adornata, & sanctitatis opinione clara, migravit ad sponſum, circa annum Domini 930. die 17. Calendas Iulii. *F. Osbertus de ſtoke, monachus, in eius uita: Monachus continuator Bedæ, lib. 2. c. 33. Vincentius in ſpec. lib. 2. c. 33. Petrus in catalogo, lib. 11. cap. 69. Polydorus in hiſt. Angl. lib. 6. & alii multi.*

S. Mlada, Boleslai Boiemiæ Regis filia.

S. MLADA, seu Milada, Boleslai ſæui Boiemiæ Regis (siue ut alii placent, Ducis) filia: hæc cum Romam orationis cauſa petiſſet, à Ioanne Papa benigne accepta, Mariaque ab eo uocata, (Mladæ nempe uocabulum, tanquam Barbarum proferre nequiuert) ipſius authoritate monasterium ſancti Georgii in arce Pragenſi, ſub regni ſ. Benedicti conſtruxit, anno Domini circiter 986. in quo flammæ uelata, aliquot annis ſacris uirginibus præfuit, & conſumato religionis curſu, cum maxima ſanctitatis opinione ad cælos enolans. *Aeneas Silvius hiſt. Boiemiæ, c. 16. Io. Dubranins in hiſt. Boiemiæ, lib. 6. & alius quidam eius uitam his uerſibus deſcribens:*

At quo te memorem pia Milada, carmine uirgo?

Digna pios inter nomen habere Duces.

Que non eſt ſtudiis illuſtrior altera ſacris:

Alterâ nec magis eſt digna puella cani.

Vera tibi pietas, Diuum & reuerentia cordi,

Queque fides iuſtos nos facit eſſe, fuit.

Tu ueros Chriſti aſſeruſti ſemper honores:

Tota miniſterio dedita cuius eras.

Tu ſacra funduſti uiridis collegia templis,

Qua pubes ſtudijs eſt bona culta pijs.

Tu ueneranda Dei docuiſti iura ſacerdos;

Auratas texit ſic ſibi uitta comas.

Rite loquebaris filio seu culta Boemo,
 Seu velles Latij fundere verba sortis.
 Conspicitur quod adhuc Viri venerabile templum
 Nominis est ingens munus honorque tui.
 Ergotua laudes, & gloria vera manebit,
 Cultus adhuc sancte, dum pietatis erit.

S. Editha, Edgari Anglie Regis filia.

S. EDITHA, quæ alio nomine, Goda, id est, Bona, uocabatur, Edgari Anglorum Regis ex sacrilego Vuilfredæ Sanctimonialis coniugio, filia, quasi rosa ex spinis procedens, à patre in ipsa sua infantia Vuiltoniæ iuxta Sarisberiam, quod monasterium ipse Rex anno 974. ædificari iusserat, & Sanctimonialibus D. Benedicti donarat, Deo oblata, & crescente ætate sacris virginibus Abbatissa prælata, a S. Etheluuoldo Episcopo consecrationis munus accepit. Quo in vitæ genere quomodo se gesserit ostendunt miracula quæ ad eius sepulchrum diuinitus fiebant. Obiit anno Domini 984. die 16. Calendæ Octobris, & pro meritis Sanctorum catalogo adscripta est. *Sorvus in eius vita die 16. Septembris, Tomo 5. Continuator Bedæ, lib. 2. c. 33. Polydorus, lib. 6. Vincentius in spec. lib. 25. c. 33. Matthæus Vuest. ad an. 961. Britanniæ chorog. fol. 178. Petrus, in catalogo, lib. 11. cap. 70. & alij infiniti.*

S. Christina, Eduardi Angliæ Regis filia.

S. CHRISTINA, aliis Christiana, Eduardi, Principis Angliæ filia, & Edmundi II. Regis neptis, patre a Canuto Daniæ Rege regno pulso, & in exilium relegato, connubii abhorrens, vna cum Agatha matre, Salomonis Hungariæ Regis filia, Sanctimonialem induit Vuintoniæ, anno Domini 1067. ubi ob uitæ sanctissimæ actæ merita à Sanctimonialibus Abbatissa electa, easdem cum in timore Domini, & obseruantia regulari, aliquot annis strenue gubernasset, cum multa opinione sanctimoniæ migravit à seculo. *Matthæus Vuest. ad an. 1067. Matthæus Paris ad annos 1067. & 1100. Polydorus, lib. 9. & alij multi.*

Filia